

D. O. M. F. 59105

PROBLEMATATA

HAEC EX PRAECIPVIS
MEDICÆ FACULTATIS DO.
GMATIBVS DECERPTA,

A IOANNE ZEMELIO CONINO POLONO
Publicè disputanda proponuntur
Patauij.



59105



59105

Patauij, Laurentius Pasquatus Excudebat, 1575.



D. O. F. M. F.
PROBLEMATICA

PROBLEMATICA

PROBLEMATICA

PROBLEMATICA

PROBLEMATICA

PROBLEMATICA

PROBLEMATICA



PROBLEMATICA

REVERENDO IN CHRISTO PA
TRI DOMINO IOANNI GNIAZ
DOVSKI, DIVINA CLEMENTIA

Abbatij Mogilnensi, Domino suo obseruadiſſ.

ſalutem & felicitatem optat.



*Tatim ex eo tempore, quo ſingulare
tuum animum, quem erga omnes li-
terarum cultores circumfers; pro tua
inſigni humanitate ad mea reſtitue
da ſtudia, prorſus iam tunc labentia, Reuerēde Do-
mine, conuertisti: ardens quadam perpetuaq; teſtan-
da mea apud te gratitudinis explicandi q; erga te
ſtudy, animum meum inceſſit voluntas. non quod
putarem te ullam in ſpem referenda gratia, tua be-
neſicia conferre unquam, apud te ſtatuiſſe; qui in-
uiſtam magnitudinem animi tui ſecutus, liberali-
tate, ſine quauis expectatione ullius fructus, utaris;
ſed ut, ſi non abunde, ſaltem aliqua ex parte meam
obſtrictam tuis beneſiciis memoriam tibi declara-
rem. Ecce uerò tandem primū mihi ad id facien-
dum aliqua eſt oblata occaſio. cum enim nunc in
de curſu eius temporis, quod hic aquirendis medi-*

cina institutis fato praefixum habui, ante acti laboris mei rationem mecum inirem; atq; ideo in latis simos eorum campos, per compendium recognoscendos excurrerem; collegi quadam ex maximè eius praeipuis Theoremata, partim ut ex illis recordationem aliorum mihi pararem; partim ut futuri mihi in medendo usus aliquando, quasi praecipua signa essent; praesertim si arcana, quae iis tenentur recodita, suis nodis, publica eorum, qui mecum in eodè uersarentur studiorum cursu, disceptatione, fierent enodata ac definita. Quoniam uerò in his meis studiis ita sum uersatus; ut maximam illorum partem, tuis beneficiis acceptam referre debeam; ideo & hac illorum qualiacumq; indicia tibi nunc offero, ut mea uoluntatis erga tuam beneuolentiam sint apud omnes interea argumentum: nam quod reliquum tempus spectat, id sine perpetuo augmento obseruantiæ meae erga te nullum erit. Vale.

Reuerenda t. d.

Cliens addictiss:

Ioannes Zemelius.



- 1 **M**edicina est ars (& ea quidem magna, ut
Plato author est in Phædro) sanitatis
2 tuendæ, si adsit; recuperandæ, si absit.
Eam in effectiuis esse putamus; illis ta-
men quæ non e nouo aliquid exædifi-
cant, sed restitunt deprauatum.
- 3 Subiectum illius est corpus humanum, quatenus tamen
salubre uel insalubre.
- 4 Scopus autem sanitas.
- 5 Prima uerò principia ab experientia.
- 6 Nec tamen hinc dicimus experientiam in medendo an-
tecellere rationi.
- 7 Imò præcipuos ex eius authoribus esse asserimus eos, qui
propter usum rationis Rationales dicti sunt.
- 8 Vniuersam medicinam in agendo positam esse confiten-
tes, contineri eam rerum naturalium, non naturalium,
et præter naturam, cognitione defendimus.

EX REBUS NATVRALIBVS.

- 9 Res naturales uoco, quæ uel partes corporis humani sunt,
ut Elementa, Spiritus Humores, Solida uel eiusdem
partibus in sunt: ut Facultates et Temperies: uel a par-
tibus profiscuntur: ut Actiones.
- 10 Elementum est pars minima compositi.
- 11 Ea sunt quatuor, Ignis, Aer, Aqua, Terra.
- 12 Ex quibus secundum totam substantiam mixtis et trans-
mutatis prodit mixtum.
- 13 Primæ uerò qualitates, quæ illis in suo extremo excessu
insunt, fiunt præcipuæ causæ illorū transmutationis.
- 14 Humor est corpus liquidum.

- 15 Humores in corpore humano, secundum naturam quatuor sunt tantū: Sanguis, Pituita, Bilis flaua, & Nigra.
- 16 Solida sunt partes magis terrestres & seminares, ad se & alia continenda fabricatæ ut os, cartilago.
- 17 Ex his similes ad comensationem cū suis partibus dicuntur: contra instrumentariæ:
- 18 Sic & actio omnis propria est similium.
- 19 Ex partibus autem corporis quatuor sunt principes: cerebrum, cor, iecur, testes.
- 20 Et ab his, quæcumq; est facultas in animali, procedit.
- 21 Spiritum dicimus substantiam existentem in corpore tenuissimam, subtilissimam, lucidam, leuemq; ex subtiliori parte sanguinis & solidorum euaporatione genitam, ad deferendam uirtutem à partibus principatum obtinentibus, ad reliquas, ut edere actiones possint.
- 22 Et hic ut triplex est: Naturalis, Vitalis, Animalis: ita uicem inter se permutationis isti habent, ut Naturalis sit materia uitali; uitalis animali.
- 23 Ad Vitalis & Animalis generationem accedit ut materia Ambiens, qui tum per arterias in uniuersum diffusas, tum per instrumenta respirationis attrahitur ad cor; ad cerebrum uero per meatus olfactorias.
- 24 Temperies est status mixti secundum calidum, frigidū, humidum, & siccum.
- 25 Temperies octo esse tantum dicimus; quatuor simplices, quatuor complicatas.
- 26 Porro corpus humanum ex omnibus suis cognatis magis est temperatum.
- 27 Partes autem eius, cum dicuntur esse tales, ita re uera sunt, si ad se conferantur, ut:

- 28 Ex principibus frigidum est cerebrum: calidi testes: calidius hepar: calidissimum cor.
- 29 Ex similaribus calida caro, calidior uena, calidissima arteria. Frigidissima ossa minus his, cartilagines, quas non æquant frigiditate ligamenta, nec ista nervi.
- 30 Inter hæc omnia temperata cutis, maximè uerò quæ est uolæ manus.
- 31 Ex contentis calidissimi spiritus; & horum præcipuè uitales.
- 32 Ex humoribus calidissima flaua bilis: haud ita sanguis: Frigidissima Melancholia, minùs pituita: siccissima melancholia, non tantopere bilis: humidissima pituita, quam humiditate non assequitur sanguis.
- 33 Facultatem. Dispositionem esse naturalem ad perficiendum aliquem motum asserimus,
- 34 Quatuorq; istas esse compertum est: Generatiuam, Nutritiuam, Vitalem et Animalem.
- 35 Animalis cum triplex sit: Princeps, Sentiens, et Motrix: Principisq; sint tres species; Imaginatiua, Ratiocinatiua, et Memoratiua; ita de harum omnium loco discernimus, ut omnes hæc commune principium et domicilium habeant ipsum cerebri corpus; Imaginatiua tamen in eius anteriori uentriculo, Ratiocinatiua in medio, Memoratiua in posteriori magis resideat. Sic & Motiua & Sentiens toti quidem inest cerebro, magis tamen hæc anteriori illustratur illa posteriori eius parte: ut earum Sentiens nervis magis utitur mollibus; Motiua duris.
- 36 Vitalis cor sibi usurpat, & arterias, quæ ab illo oriuntur: & ea cum sit duplex: concupiscens & pulsans;
- 37 Hæc per spiritus motu dilatationis & constrictionis fu-

fos uitam omnibus animalis partibus præstat actu, quibus prius inerat potentia:

- 38 Illa facultates principes & totum commouet ad aliquid fugiendum & appetendum.
- 39 Nutritiua in hepate residet, à natura ad conseruandum & augendum indiuiduum parata.
- 40 Ad quod ibidem quatuor illos humores genitos tãdem per uenas illinc ortas ad reliquum transmittit corpus.
- 41 Inesse tamen omnibus partibus attrahendi alimenti facultatem non dubitamus, qua mediante alimenti fit p uniuersum distributio.
- 42 Habet autem Nutritiua alias sibi ministras quatuor; Attrahentem, Retinentem, Concoquentem, & Expellentem: quarum Attrahens conuenientem materiam alimento appetit, Retinens ad tempus concoctioni debitum continet, Expultrix protrudit excrementa, Concoctrix in substantiam conuenientem permutat.
- 43 Habent uerò hæ in uentriculo quasdam peculiariter sibi inferuientes partes; ut Attrahens uillos longitudinales; Retinens obliquos; Expellens transuersos; Concoctrix siue chyli efficiens possidet occultã ipsius uentriculi formam.
- 44 Generatricis locus est in testibus; munus conseruare speciem.
- 45 Porro ad generationem indiuidui asserimus concurrere necessariò semen uiri & mulieris secundum omnes sui partes permixtum, ut agens: sanguinem uerò menstruum, ut patiens magis.
- 46 Actio est motus actiuus qui à facultate procedit: proinde tot sunt actiones quot facultates.

EX REBUS NON NATURALIBVS.

- 47 Res non-naturales sex tantum statuimus: Aerem, Cibum & Potum, Somnum & uigiliam, Motum & quietem, Inanitionem & repletionem, Animi perturbationes: easq; sic dici per modum intentionis secundæ.
- 48 Cum uerò in Aëre potissimum substantia, qualitas, & permixta considerentur: hæc ex tribus precipuè summi asserimus, Solis propinquitate uertici nostro, Situ loci, & uentorum accessu.
- 49 Sed aer qui sit substantia subtilis, inter calidum, & frigidum, humidum & siccum temperatus; idemq; lucidus, nec prauæ alicuius qualitatis particeps, temperatis & sanis est saluberrimus: ægris uerò cōuenit qui sit contrarius illorum morbo, uel causæ morbi, Sanitatem enim similibus conseruari, morbos per contraria remoueri in confesso est omnibus.
- 50 Ad aerem regiones, tempora anni, & constitutionem referentes, existimamus quantum clima esse temperatissimum;
- 52 Ver autem calidum & humidum absq; excessu, ac proinde salubre,
- 52 Constitutionem calidam & siccam maximè exitiosam.
- 53 Cibus & potus est materia alimentis;
- 54 Potus tamen aqua est tantum alimenti uehiculum;
- 55 Vinum uerò confectum alit, præsertim meracum dulce.

- 56 Cum autem in omni cibo maximè obseruanda sint hæc: substantia conueniens, quantitas, qualitas, assumendi ordo & tempus; asserimus sanis conuenire illum cibum, qui sit substantiæ tenuis, facilis cocti or-
nis, respondens temperaturæ & saporis sumentis, & si in eo assumendo mollia præcedant; siq; capiatur hora famis uel consuetudinis; nec ultra quàm uis concoctrix ferre possit.
- 57 Secus de cibo ægrorum decernimus, debet enim is ro-
bore uirtutis illorum, morbi naturæ, & causæ, & motui conuenire atq; ex ægrorum patientia metiendus est: proinde.
- 58 Virtute debiliori existente, cibus paulò copiosior est
exhibendus.
- 59 Et febricitantes cibus frigidis & humidis alendi sunt.
- 60 Ut in morbis acutis & propius statum tenui uictu
est utendum: in chronicis & longè ante statum pleniori.
- 61 Nec saporem ægrorum ullatenus negligendum putamus, sed iucundiora, licet sint deteriora, paulo melioribus, si ab illis respiciantur, sunt anteferenda.
- 62 Si uerò sanis bis in die sumendus est cibus, cænam copiosiores debere esse prandio affirmamus.
- 63 Ægri tamen uel in declinatione, uel longè ante exacerbationem, aut hora qua ad cibos sumendos sani utebantur, cibum sumant, ut in febribus conclusis.
- 64 Motus corporis, quem nomine exercitationum dicunt medici, præstat robur membrorum, ex peditis reddit spiritus ad mouendum, caloremq; natura lem auget, debito tamen tempore & mensura adhibitus.
- 65 Tempus uerò illi commodissimum iudicamus instan

- te hora cibi & urgente appetitu.
- 66 Mensuram, donec uires se aliquantulum grauari ostendant.
- 67 Quies autem immodica suffocat calorem.
- 68 Somnus est animalium facultatum, potissimum uero Sentientis & Mouentis quies, propter calorem naturalem in coquendis humoribus & acquirendo proprio alimento occupatum.
- 69 Et quoniam in somno, tempus, duratio, forma decubitus & in somnia obseruanda sunt; iudicamus nocturnum post coenam duabus inchoatum horis omnium esse commodissimum; ut diurnum, & potissimum à prandio, exitiosum.
- 70 Durare uero somnus debet ad exitum concoctionum.
- 71 Decubitusq; in eo primò in latus dextrum, deinde in sinistrum esse debet.
- 72 Sed insomnia potissimum ea in obseruationem capi debent, quæ nequeunt ad præcedentem meditationis statum reduci, quale illud erat, natâre in piscina sanguinis: Vigiliæ dissipant calorem naturalem, & fiunt causa cruditatum.
- 73 Repletionem dicimus ubi uel uasa supra debitum terminum extenduntur, uel uirtus copia alicuius grauiatur.
- 74 Vnde fieri repletionem à cibis & humoribus, cui sit dubium?
- 75 Omnem repletionem cum inanitio tollat, magis tamen pléthorâ tollit uenæ sectio, tandem hirudines & cucurbitulæ; cacochymiam uero medicamentum purgans.

- 76 Sunt tamen & alia quæ inaniunt, ut Exercitatio, Som-
nus, Fames, Balnea, Sudores, Venerea, Frictiones. M 28
- 77 Animi perturbationes, quæ sunt principis facultatis
inordinati. motus ab aliquo externo, magnarum alte- 28
rationum corporis defendimus esse causam: nam. 28
- 78 Timor & mœror ad centrum cogendo calorem cum
suffocat. nupat & zuzumund & quicquid est mole- 28
- 79 Læticia ad circumferentiam eferendo eundem dissi-
pat: sicut in somno, tempus, humor, 28
- 80 Ira facit igneum. 28

DE REBUS PRÆTER

Naturam.

- 81 Præter naturam id est, quod uel naturæ uim infert, e-
iusq; functiones interturbat; & id modò per se, ut
morbus: modò interuentu alterius, ut causa: uel qd
uim naturæ illatam sequitur, & ostendit, ut sympto-
ma. 28
- 82 Hæc si in dispartitos sint mittenda locos, morbus ma-
gis residet in solidis; causa in cõtentis; symptoma in
iis quæ utraq; horum consequuntur. 28
- 83 Causa morbi est affectio præter naturam, sua sponte
aliquid conferens ad morbi generationem: & hæc
quidem 28
- 84 Materialis, est corpus humanum. 28
- 85 Formalis, ipsa dispositio praua in corpus impressa. 28
- 86 Finalis, priuatio effectus debiti naturalis. 28
- 87 Efficiens, quicquid corpus à proprio statu sit aptum
amouere. Et harum cum quædam sint congenitæ,
quædam asciticiæ: non absurdum esse arbitramur as-

ferere, quoddammodo morbos, ut habetur de morbo

- 88 Parentibus nō minus in morbos insitu naturæ, quàm in possessiones legum iure succedamus.
- 89 Morbum dicimus esse dispositionem præter naturam, lædentem operationes primò, & per se.
- 90 Eius autem posse demonstrari genera tria tantum: scilicet Intemperiem, Malam conformationem, & Continui solutionem.
- 91 Ex quibus intemperies est propria partibus similibus: prava conformatio instrumentariis; utrisq; autem solutio continui.
- 92 Ex morbis calidis sine materia, est febris Ephemera: ut cum materia est febris putrida.
- 93 Ex frigidis sine materia, est congelatio consecuta simplicem algorem: cum materia ut paralyfis cum pituita.
- 94 Ex humidis sine materia, ut mollities & laxitas: cum materia, ut Asthma.
- 95 Ex siccis sine materia, ut spasmus ab inanitione: cum materia, ut Cancer.
- 96 Ex prava conformatione sunt, adnatæ partes, abolitæ, incurvæ, breues, leues, & asperæ.
- 97 Solutio continui patet sensui.
- 98 Atque hic Febrem dicimus esse intemperiem calidam procedentem principaliter a corde per arterias & venas, lædentem operationes.
- 99 Febrium uerò tantum tria sunt præcipua genera: Ephemera, Putridum, & Hæticum; idq; pro ratione subiectorum, quibus insunt: ut est spiritus, humor, & solida.
- 100 Quorum Ephemera a causa primitiua oritur: Putri

dum ab antecedente, Hecticum aliquando ab his
aliquando singulis, aliquando utrisque præceden- 38
tibus.

101 Putridarumq; cum sint aliæ continuæ, aliæ intermit- 38
tentes: has affirmamus oriri ab humoribus putrescē-
tibus extra uenas; illas, si iidem putrescant in uenis. 39

102 Exacerbationes uerò illarum sequuntur occultam pu- 10
trescentium humorum naturam, ut Quotidianæ na-
turam sequuntur pituitæ, Tertianæ bilis, Quartanæ
melancholiæ.

103 Quòd autem in Hecticis nullus sentitur calor, id fit, 39
quoniam solidæ partes æqualiter sunt calefactæ.

104 Cæterum cum in quouis morbo motus magnopere 10
attendatur; ob id etiam hi in acutos & chronicos
disiuncti sunt. Acutiq; dicuntur qui sua tempora ce-
lerrime pertranseunt cum ægri periculo: quod genus
est Febris ardens, Apoplexia, Angina: Contrarii sunt
his chronici, ut Arthritis &c.

105 Morborum uero sunt quatuor tempora: Principium, 20
Augmentum status, Declinatio: & horum declinatio
est tutissima, in qua nulli moriuntur.

106 Symptoma est affectus præter naturam sequens mor- 20
bum. Et hoc in tres abit ordines: Actiones læsas, Qua-
litates Excrementaq; corporis mutata.

107 Primi generis sunt; ut in facultate Principe, Phrenitis, 22
Melancholia, Obliuio: in Motrice Apoplexia, Epile-
psia, Paralysis, Tremor: In Sensatrice Stupor, cæcitas,
praua uisio & comminuta. In uitali Syncope. Asphi-
xia, pulsus intermitens debilis, paruus, rarus, tardus.
In naturali Apepsia, Diarrhæa debilitas hepatis.

108 Secūdi generis est Icterus, flauus & niger, Leucophle- 22

gmatia, Morphæa: amaror linguæ.

- 109 Ultimi Excretio sanguinis nociua, uomitus intempestiui, nigri, sordidi, continentes aliquas uasorum partes. Deiectiones uirides, cruentæ, pingues cum ramentis intestinorum; Vrinæ nigræ, uirides, albæ foetidæ, cum calculis, arenulis, pilis: Sputa nigra, liuida, crassa: sanguinea, purulenta, falsa, foetida, multa; cum bronchiis: Sudores nimii, frigidi, cruenti, falsi, flauī, unius partis;
- 110 Dolor autem est symptoma præcipuè facultatis ratiōis, sequens perpetuo solutionem continui.
- 111 Huc etiam morborum signa referimus; omnia namq; illa uel a symptomatis uel causis oriuntur.
- 112 Sed ex causis, primitiuæ maxima sunt indicia suorum affectuum: ut affluentia cibi & potus, intermissio euacuationum testatur adesse repletionem: Sic labor, uigilia, nimii fluxus, inanitionem.
- 113 Ex symptomatis uerò ante alia id præstant læsiones actionum propriarum.
- 114 Vt errare mente, obliuisci, pati quid uicii in motu, uirtutes animales & cerebrum affici abundè ostendit.
- 115 Nec dissimili ratione pulsus uicia: ut auctio a mediocritate & diminutio, uelocitas, tarditas, crebritas, rarietas, inæqualitas, intermissio, Asphixia detegunt uicia facultatis uitalis, simulq; cordis & instrumentorum, quæ his inferuiunt.
- 116 Sic concoctiones uentris uel abolitæ uel diminutæ uel deprauatæ indicio sunt uentriculi facultatem laborare: ut succi flatulenti commonent nos hepatis uirtutem esse in periculo.
- 117 Excremēta etiam mutata affectuum sunt testimonia,

sine controuersia; & quidem eorum etiam, qui sunt corporis totius maximè uerò partium, à quibus proximè egrediuntur.

118 Ut urina totius aliquando, sed sæpe iecoris, uenarum arteriarum, renum, uesicæq; statum pròdit.

119 Feces de intestinis magis, post de uentriculo, tum de hepate porrigunt iudicium.

120 Sudores quid sit in ambitu corporis demonstrant.

121 Sputa capitis, si simpliciter exeant; si cum sreatu; faucium; si cum tussi, pulmonis constitutionē referunt.

122 In his autem omnibus cum quinq; in uniuersum obseruentur; scilicet substantia, quantitas, qualitas, contenta, & modus excernendi; si hæc sint commoderata optimum indicant partium, a quibus proficiuntur, & tandem totius, statum.

123 Ut urinæ nec crassæ nec tenues, subflauæ, non foetidæ, respondentes quantitati ingestorum, absq; contentis a naturali statu recedentibus, siq; sine molestia & debito tempore exeant, bonam hepatis & eorum, quæ diximus constitutionem afferunt.

124 Sedimentum uerò in urinis sanorum non necessariò requiritur, ut idem si sit album, leue, æquale, in ægris optimum est concoctionis indicium.

125 Contra urinæ tenues, albæ cruditis sunt testimonia: ut nigre, uirides; nisi per crism tales euadant, demori calorem naturalem ostendunt.

126 Sic color corporis citrinus uitium hepatis, obstructio nemq; meatus fellei; niger lienem pati, ostendit.

127 Ex iisdem etiam fontibus petuntur indicia eorum, quæ consequuntur morbos, ut est Sanitas, Mors, Crisis.

Cum

- 128 Cum uerò recta Curandi ratio progressa per contraria, sita sit in inueniendo per indicationes quid sit agendum, quantum, quomodo, quando, ubi agendum: hæc quidem omnia principaliter indicantur a tribus; morbi natura, ægrotantis uirtute, & ambiente: tamen
- 129 Quid sit agendum, prodit maximè ex naturâ affectus;
- 130 Quantum, agendum, a uirtute ægri & illi coniunctis, qualis est sexus, ætas, consuetudo, genus uitæ.
- 131 Quando agendum, a temporibus morbi.
- 132 Quomodo agendum, ex ægri consuetudine & proprietate singulari.
- 133 Vbi agendum a loco, in quo & per quem fieri debet operatio, quæ ex situ & colligatione partium percipiuntur.
- 134 Hæc autem cum perficiantur tribus instrumentis: Virtus ratione (de qua satis in rebus naturalibus) Manuum opera, & Medicamentis :
- 135 Medicamentum dicimus id, quodcumq; adhibitum uincit corpus.
- 136 Concurrit tamen ad effectum medicamentorum calor natiuus, qui dum in illa agit, ut ea in suam substantiam permutet, facit ea talia actu, cum prius fuerint potentia.
- 137 Quæ uerò ex his sunt purgantia cum delectu: qualis Colocintis quæ deicit pituitam, Scamoneum bilē, Helleborus niger melancholiam, hæc ita purgant occulta & speciali proprietate simili iisdem humoribus.

138 Venena uero omnia sunt, quæ propria sua natura humanae uitæ aduersantur.

139 Operationem autem manuum, siue Chirurgiam pendere ab exercitatione & usu agendi cuiq; patere arbitramur.

VIRTUS EXCITAT ET VINCIT INVIDIAM



*Disputabuntur uerò in Florentissimo Patauino
Gymnasio, sub felicibus auspiciis Ma-
gnifici ac generosi uiri Domini D. SAN-
CTIFLORII MVNDELLÆ
Brixienſis in Magnifica Philoſophorum
ac Medicorum uniuerſitate Subſtituti
praclariffimi. Anno MDLXV.
Menſe Maij, Die XV. Hora XII.*

Nic. Gal. Vic.

*Fr. Maximianus Beniamus Inq. uidit
& admiffit.*

